

Kanton Sarajevo
Skupština Kantona Sarajevo
Admela Hodžić, Klub žena SDA

Sarajevo, 25.02.2020.godine

Kanton Sarajevo
Ministarstvo za obrazovanje, nauku i mlade Kantona Sarajevo

ZASTUPNIČKA INICIJATIVA

Na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo“-Drugi novi prečišćeni tekst, broj 41/12, 15/13, 47/13, 47/15 i 48/16) podnosim inicijativu Ministarstvu za obrazovanje, nauku i mlade Kantona Sarajevo da u što skorije vrijeme izmjeni član 7. Zakona o srednjem obrazovanju Kantona Sarajevo ("Sl. novine Kantona Sarajevo", br. 23/17 i 30/19), koji se odnosi na trajanje srednjeg obrazovanja a stavom (7) ovog člana je definisano:

(7) Naknadu iz stava (6) ovog člana vanredni učenici uplaćuju u skladu sa Pravilnikom o načinu uplate javnih prihoda budžeta i vanbudžetskih fondova na teritoriji Federacije BiH i ista je javni prihod Budžeta Kantona Sarajevo.

Prijedlog izmjene i dopune člana (7) stav (7) glasi:

(7) Naknadu iz stava (6) ovog člana vanredni učenici uplaćuju u skladu sa Pravilnikom o načinu uplate javnih prihoda budžeta i vanbudžetskih fondova na teritoriji Federacije BiH i ista je javni prihod Budžeta Kantona Sarajevo, **a tretirat će se kao vlastiti prihod budžetskog korisnika koji je ostvario ta sredstva.**

OBRAZLOŽENJE

U Zakonu o srednjem obrazovanju Kantona Sarajevo ("Sl. novine Kantona Sarajevo", br. 23/17 i 30/19) članom 7. je između ostalog propisana

mogućnost realizovanja programa obrazovanja odraslih i stručnog usavršavanja, kao i programi prekvalifikacije i permanentnog obrazovanja – cjeloživotno učenje.

(2) U srednjoj školi, osim realiziranja programa općeg obrazovnog i odgovarajućeg stručnog dijela, mogu se realizirati i programi obrazovanja odraslih i stručnog usavršavanja, kao i programi prekvalifikacije i programi permanentnog obrazovanja - cjeloživotno učenje.

(3) U srednjoj školi mogu se realizirati i odgovarajući programi stručnog obrazovanja I (prvog) i II (drugog) stepena stručne spreme, kao i stručno osposobljavanje i obuka za odrasle putem kurseva.

(6) Troškove realiziranja programa iz st. (2) i (3) ovog člana u srednjim školama kao javnim ustanovama snose vanredni učenici ovog vida obrazovanja, a visinu troškova utvrđuje Vlada na prijedlog Ministarstva.

Stavom 7. istog člana je definisano da naknadu iz stava 6. ovog člana vanredni učenici uplaćuju u skladu sa Pravilnikom o načinu uplate javnih prihoda budžeta i vanbudžetskih fondova na teritoriji FBiH i ista je javni prihod Budžeta Kantona Sarajevo.

Na ovaj način su sve javne ustanove (srednje škole) na području Kantona Sarajevo diskriminirane u odnosu na privatne škole koje sredstva uplaćena u svrhu troškova školarine mogu koristiti u tu svrhu, odnosno od tih sredstava pokriti troškove potrebnog repromaterijala, opreme i nastavnog osoblja.

Uzimam za primjer obrazovanje ili prekvalifikaciju kuhara ili keramičara kojima morate obezbjediti uniformu, zaštitnu opremu, repromaterijal, mašine i alate kako bi stekli određena znanja i vještine u toku obrazovnog programa.

Zbog toga se uplate od školarine za obrazovanje odraslih i stručnog usavršavanja, kao i programi prekvalifikacije i programe permanentnog obrazovanja - cjeloživotnog učenja moraju tretirati kao vlastiti prihod budžetskog korisnika koji je ostvario ta sredstva a za koji je Vlada na prijedlog Ministarstva utvrdila visinu troška koji je stvaran. Moramo biti svjesni činjenice da određene „nove obaveze“ propisane Zakonom za sobom

povlače i određena „nova prava“ kako bi se te obaveze po Zakonu mogle realizirati.

Molim nadležne da što prije pristupe rješavanju ovog problema, odnosno izmjenama i dopunama Zakona kako bi se nastavni proces za obrazovanje odraslih i stručno usavršavanje, kao i programi prekvalifikacije i programi permanentnog obrazovanja - cjeloživotnog učenja propisani Zakonom mogli realizirati u potpunosti.

Admela Hodžić
